

四鎮三關志

四

四鎮三關誌卷之三

軍旅考

四鎮軍旅總論

效祖曰孔子對衛靈公曰軍旅之事未之學也夫國之大事在祀與戎豈以孔子而弗學軍旅事其以爲春秋時列國日尋喧脰所不足者非軍旅也故有難于答靈公耳非教天下後世之言也然古之軍旅皆寓于農自兵民分於是尺籍伍符雜出迭興其迨於今蓋燦然備矣我

朝建都切膚邊徼酋虜虎視眈眈日不忘窺中國則



一方之病痍惡可以置不講乎今稽四鎮之版籍  
次及營伍而以戎器附焉作軍旅考

薊鎮軍旅

版籍

主兵七萬三千五百六十二名○除軍門標下客兵并雜兵外

國初以畿內衛所兵發戍邊關額設四萬五千五百名至嘉靖二十九年止存三萬九千名是年虜薄郊關額兵不足戍守遂于各原衛所照籍抽補復廣召募三十年始增至五萬六千九百名三十一  
年增七萬六百名三十七年止存四萬六千三十  
名四十二年復廣召募增至六萬七千一百名隆

慶五年總督侍郎劉應節巡撫都御史楊兆請清

注北六省通軍俱改發本鎮萬曆元年侍郎汪道

昆經畧定為額數

有謂效祖者曰北方以衽金革為強奚薊門之卒儻若是也效

祖曰寰宇承平久人不習戰鬪事儻奚獨薊門也要之空桐多武自其天性稍稍就習當十倍於冊穴不則天地之位易而風氣為桑海矣

客兵五萬七千五百七十三名○原無額籍嘉靖

二十九年始徵各邊省軍民兵共七萬名入衛隆

慶三年總督侍郎譚綸總理都督戚繼光請募浙

兵三千名六年總督侍郎劉應節巡撫都御史楊

兆總理都督戚繼光復請募浙兵六千名自嘉靖

四十二年主兵漸增各邊省兵遞撤萬曆元年侍

郎汪道昆經畧定為額數

效祖曰薊自庚戌後徵調之令日煩矣河以北

山以東皆有良家子三千人以憲臣督之戌邊其後以趨悍與越卒不相能遂盡革罷徵其銀以養越卒是或一道也余以為北方之強多在燕趙間倘為國家計深遠者宜稍稍收集之以需緩急

即不令北奉胡以之彈壓內訌不可乎

效祖曰薊鎮自庚戌後緹衣韎韐者林林總總且十倍其舊貫矣然以十為率二三為舊貫也其一取之清勾一二取之召募二三取之徵調夫勾不足不得不召召不足不得不調勢使然也第所謂徵調者皆南北數千里人守塞一歲而更不知胡

人之能亡具甚矣

京師密邇封圻獨不可請營卒更番以代遠人乎或  
謂京兵傭不可用又謂根本衛士不宜出就外  
防此皆肉食者謀余不敢刺刺辯

昌鎮軍旅

版籍

主兵一萬七千七百四十四名○除雜兵外

國初額設居庸兵一萬四千二百四十六名并歷朝  
添設

長獻景裕茂泰康七陵衛兵八千餘名至嘉靖二十九  
年居庸除通絕雜役外止存操守兵七千名是年  
虜薄郊關額兵不足戍守遂於各原衛所照籍抽  
補復廣召募三十年始增至一萬四百一十六名  
三十一年增至二萬三千二百一十名三十七年

除逋絕外止存一萬三千二十五名四十五年隆慶六年添設

永昭二陵衛萬曆元年侍郎汪道昆經畧定爲額數

○客兵一萬三千一百七十九名○原無額籍嘉靖二十九年始徵各邊省軍民等兵二萬二千九百名入衛至嘉靖四十二年主兵漸增各邊省兵遞撤萬曆元年侍郎汪道昆經畧定爲額數

效祖曰昌鎮

陵寢重地且當納驛之扉其列戍置兵不專爲庚戌之衅故也乃庚戌後日益增嚴舊志稱隆慶衛額軍

萬四千有奇比年逃絕十已七八又稱居庸抱關  
之卒數不踰二千則頻年何以稱防守哉所幸今  
當事者長顧却慮使虎賁之士跣跣貫頤者漸復  
故額非復循故轍而長此安窮矣何患焉何患焉



眞保鎮軍旅

版籍

○主兵三萬四千四百六十名○舊額本鎮戍守兵  
五千九百六十六名內固關一千九百名龍泉關  
一千八十八名龍泉關下城九百二十七名倒馬  
關上城四十六名紫荆關一千九百九十五名嘉  
靖十五年間起陸續增至六千六十九名內倒馬  
關增一百三名二十一年增至六千九百二十一  
名內紫荆關增八百五十二名二十五年增至八  
千九百一名內倒馬關增至一千一百八十名插

箭嶺增八百名三十六年增至九千五百四十名  
內紫荊關增六百三十九名以後逐年陸續增至  
一萬三千五十八名內固關增十名倒馬關增五  
十一名紫荊關三千四百五十七名萬曆元年兵  
部侍郎汪道昆經畧前數定爲今額

○客兵一萬九千八百四十三名萬曆元年侍郎汪  
道昆經畧定爲今額

效祖曰真保自設紫荊諸關魚甲庠渠咸有定額  
即清勾以實廵伍召募以充選鋒稍稍有之然徵  
調之兵未之聞也或春秋有防量移內備之稍緩

者併守更踐事已謝去之奚至僕僕勞遠人令其  
以并州爲故鄉乎

四金三

卷

遼鎮軍旅

版籍

額兵九萬四千四十五名○我

國初改州縣爲衛所每衛額籍寄籍并新戶共七萬九千一百九十三戶共得一十九萬七百四十八丁內除額派各役制同有司又編鹽鐵屯等軍分投辦納銀糧及擺守瞭望選年力精壯及戶則殷實者額定爲馬軍五萬八千九百七十四名其次定步軍二萬四千七百七十三名永樂間設招集法復得一萬七千二百一十二戶於內選爲馬軍

一萬六千三百八十一名至正德初年詔大戶自募土人一千以上授世指揮職五百人以上授世千戶職三百人授世百戶一百人總旗各爭相召募得兵九萬七千七名分發各部定註尺籍與額軍一體調操然皆二十五衛之軍餘也三項共兵一十九萬二百五名自嘉靖三十七年起至隆慶三年逃亡過半隆慶四年惟存主客官兵八萬五千四百二十七名五年六年勾補召募八千六百八十三名歷年逋絕額兵七千四百七十七名萬曆元年存操兵八萬六千六百三十三名外入衛